

王文公文集

十二

世宗憲皇帝御製

卷一

王文公文集卷第六十

律詩

奉寄子思以代別

寄張諤招張安國

欲往淨因寄韓持國

寄韓持國

寄純甫

道中寄黃吉甫

寄吉甫

無錫寄正之

寄孫正之

宿土坊驛寄孔世長

將至丹陽寄表民

寄王補之

寄吳成之

寄蔡天啓

寄石鼓陳伯庸

寄謝師直

寄王回深甫

寄顯道

寄余溫卿

寄陳宣叔

寄李秀才兄弟

寄育王大覺禪師二首

寄國清處謙

寄道光大師

寄北山詳大師

寄李道人

寄無爲軍張居士

寄金陵傳神李士雲

寄西庵祥師

奉寄子思以代別

南北蹉跎成兩翁悲歡邂逅笑言同全家欲
出嶺雲外匹馬肯尋山雨中趨府折腰嗟踽
踽聽泉分手惜匆匆寄聲但有加餐飯才業
如君豈久窮

寄張諤招張安國金陵法曹

我老願爲臧丈人君今年少未長貧好須自
致青雲上可且相從寂寞濱深谷黃鸝驕引
子曲崎翠碧巧藏身尋幽觸靜還成興何必
區區九陌塵

欲往淨因寄涇州韓持國

紫荆山下物華新只與都城共一春
令節想君携綠酒故情憐我踏黃塵
汧魚已悔他年事搏虎方收末路身
欲寄微言書不盡試尋僧閣望西人

寄韓持國

淶水環宮漫漫流鵝黃小蝶弄春柔
問知公子朝陵去歸得花時却自愁

一本作漫漫流宮城

寄純甫

塞上無花草飄風急我歸稍林聽澗落
卷土看雲飛想子當紅藥思家上翠微
江寒亦未

已好好著春衣

道中寄黃吉甫

白霧青山入馬蹄朝寒瑟瑟樹聲悲平山斷
隴回環失鳴鳥游魚上下隨廟筭未聞收策
士瘴鄉誰與擇軍麾憂時自欲尋君語行路
何妨更有詩

寄吉甫

朱顏去似朔風驚白髮多於野草生挾策讀
書空有得求田問舍轉無成解鞍烏石江邊
坐携手辛夷樹下行今日追思真樂事黃塵

深處走雞鳴

無錫寄正之

健席高檣送病身
亂山荒隴障歸津
應須一曲千回首
西去論心更幾人

寄孫正之

南遊忽忽與誰言
共笑謀生識最昏
萬事百年能自信
一簞五鼎不須論
友中惟子長招隱
世上何人可避喧
千里秋風相望處
皖公溪上正開樽

宿土坊驛寄孔世長

燒夜郊原百草荒
弊裘朝去犯嚴霜
殘年意象偏多感
回首風煙更異鄉
往返自非名利役
辛勤應見友朋傷
章江猶得同遊處
最愛梅花蘸水香

將至丹陽寄表民

曉馬駸駸路阻脩
春風漠漠上衣裘
三年銜恤空餘息
一日忘形得舊遊
末路悲歡隨俯仰
此生身世信沉浮
寄聲德操家人道
炊黍吾今願少留

寄王補之

平居相值少况復道塗留令我思揮塵逢君
爲艤舟人情方慕貴吾道合歸休吏責真難
塞聊爲泮水游

寄吳成之

綠髮溪山笑語中豈知翻手兩成翁辛夷屋
角搏香雪躑躅岡頭挽醉紅想見舊山茅徑
在追隨今日版輿空渭陽車馬嗟何及榮祿
方當與子同

寄蔡天啓

杖藜緣塹復穿橋誰與高秋共寂寥佇立東

岡一搔首冷雲衰草暮迢迢

寄石鼓陳伯庸

鯨魚無風白日閑
天門當面險難攀
塵埃掉臂離長陌
琴酒和雲入舊山
仁義未饒軒冕貴
功名莫信鬼神慳
郭東一點英雄氣
時伴君心夜斗間

寄謝師直

湖海三年隔相逢
塞路中黃金酌
外酒白髮對春風
所願乖平日何知
即老翁悠悠越溪水
好在釣魚筒

寄王回深甫

少年倏忽不再得後日歡娛能幾何顧我面
顏衰更早憐君身世病還多窓間暗淡月含
霧舩底飄飄風送波一寸古心俱未試相思
中夜起悲歌

寄顯道

前約刀頭止歲前故人專使手書傳出門江
上問消息極目寒沙已泐然

寄余溫卿

雲散風流不自禁天涯無路盍朋簪空馳上

國青泥信誰和南山白石音平日離愁寬帶
眼訖春歸思蒲琴心終回一命翩翩駕獨過
稽山鍛樹陰

寄陳宣叔

扁舟欲動更徘徊一笑相看病眼開事忤貴
人今見節政行豪縣衆稱材忽驚歲月侵雙
鬢却喜山川共一盃落日亂流江北去離心
猶與水東迴

寄李秀才兄弟

怒水搏風雪壠高亂流追我隻魚舠忽看槐

月臨秋渚更聽漁人雜佩濤道義終期麟一角文章先禿兔千毫後生可畏吾知子握手何時見二髦

寄育王大覺禪師二首

山木悲鳴水怒流百蟲專夜思高秋道人方丈應無夢想復長吟擬慧休

二

單已安那示入禪草堂難望故依然山今歲暮終岑寂人更天寒最靜便隱蹟亦知甘自足憑心豈吝慰相憐所聞不到荆門耳人老

禾新又一年

寄國清處謙

三江風浪隔天台想見當時賦詠才近有高
僧飛錫去更無餘事出山來猿猱歷歷窺香
火日月紛紛付劫灰我欲相期談實相東林
何必謝劉雷

寄道光大師

秋雨漫漫夜復朝可嗟茆屋望重霄遙知宴
坐無餘念萬事都從劫火燒

寄北山詳大師

欲見道人非一朝杖藜無路到青霄千崑萬壑排風雨想對銅爐栢子燒

寄李道人

李生富漢亦貧兒人不知渠只我知跳過六輪中妥峭養成三界外愚癡

寄無爲軍張居士

南陽居士月城翁曾習禪那問色空卓犖想超文字外低回却寄語言中真心妙道終無二末學殊方自不同此理世間多未悟因君往往嘆西風

寄金陵傳神者李士雲

衰容一見便疑真
李氏揮毫妙入神
欲去鍾山終不忍
謝渠分我死前身

寄西庵祥師

意衰難自力
持路便思還
強逐蕭騷水
遙看慘淡山
行尋香草遍
歸泳晚雲間
西崦分明見
幽人不可攀

王文公文集卷第六十